

BOSNIA AND HERZEGOVINA
FEDERATION OF BOSNIA AND HERZEGOVINA
FBiH MINISTRY OF DEVELOPMENT,
ENTREPRENEURSHIP AND CRAFTS

Broj: 08-11-1-1834-3/24
Mostar, 06.11.2024. godine

Na osnovu člana 70. Zakona o javnim nabavkama („Službeni glasnik BiH“, br. 39/14 59/22 i 50/24) i preporuke Komisije za javne nabavke u 2024. godini, obrazovane Rješenjem broj: 08-11-156/24 od 18.03.2024. godine, date u Zapisniku o pregledu i ocjeni ponuda od 29.11.2024. godine u postupku Konkurentskog zahtjeva za dostavu ponuda u predmetu javne nabavke usluga obaveznog i full kasko osiguranje službenih automobila (Lot 2.), Federalni ministar razvoja, poduzetništva i obrta donosi

O D L U K U

o izboru najpovoljnijeg ponuđača u postupku javne nabavke obaveznog i full kasko osiguranje službenih automobila (Lot 2.)

I

Prihvata se preporuka Komisije za javnu nabavku da se u cilju odabira najpovoljnijeg ponuđača po provedenom Konkurentskom zahtjevu za dostavu ponuda - nabavke usluga obaveznog i full kasko osiguranje službenih automobila (Lot 2.), kao najpovoljniji ponuđač izabere EUROHERC OSIGURANJE d.d. Sarajevo – Podružnica Mostar, sa sjedištem u Mostaru, Vukovarska 1, sa svojom Ponudom broj: 51-1-2/24 od 28.10.2024. godine čija ukupna ponuđena cijena iznosi **2.773,66 KM**.

II

Ova odluka stupa na snagu danom donošenja i objavit će se na web stranici Federalnog ministarstva razvoja, poduzetništva i obrta istovremeno sa upućivanjem obavijesti ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama.

III

Za izvršenje ove odluke zadužuje se Sektor za ekonomsko-finansijske, pravne i opće poslove.

O b r a z l o ž e n j e

Provodeći Odluku o pokretanju postupka javne nabavke usluga osiguranja zaposlnika i obveznog i kasko osiguranja sa rizikom od krađe automobila, broj: 08-11-1-1834/24 od 15.10.2024. godine, Komisija za javne nabavke u 2024. godini, imenovana Rješenjem broj: 08-11-156/24 od 18.03.2024. godine (u daljnjem tekstu: Komisija), dana 15.10.2024. godine objavila je na Portalu javnih nabavki Obavještenje o nabavci, broj:572-7-2-20-3-14/24, kao i Tendersku dokumentaciju, broj 01-11-1-1834-1/24 od 15.10.2024. godine, za nabavku usluga osiguranja: Lot 1. Kolektivno osiguranje zaposlenika ministarstva i Lot 2. Obavezno i full kasko osiguranje službenih automobila.

Predmetna javna nabavka provedena je sukladno odredbama Zakona o javnim nabavkama Bosne i Hercegovine („Službeni glasnik BiH“, br. 39/14, 59/22 i 50/24), po pravilima Poglavlja V. Odjeljak A. Dodijele ugovora male vrijednosti i to kroz postupak Konkurentskog zahtjeva za dostavu ponuda, uz provođenja E-aukcije, a evidentirana je u Planu nabave pod rednim brojem 10/24 - usluge, CPV kod: 66000000-0.

Po Obavještenju o nabavci, do 22.10.2024. godine, do kada je bio rok za preuzimanje tenderske dokumentacije, prema Izvještaju o preuzimanju tenderske dokumentacije od

BOSNIA AND HERZEGOVINA
FEDERATION OF BOSNIA AND HERZEGOVINA
FBiH MINISTRY OF DEVELOPMENT,
ENTREPRENEURSHIP AND CRAFTS

strane ponuđača, preuzetog i kreiranog sa Portala javnih nabavki BiH dana 23.10.2024. godine, predmetnu tendersku dokumentaciju preuzelo je ukupno 10 ponuđača. U utvrđenom roku do 29.10.2024. godine do 10,00 sati, pristigle su četiri ponude za Lot 2. i to od ponuđača: SARAJEVO - OSIGURANJE d.d. Sarajevo, „OSIGURANJE AURA“ a.d. Banja Luka, EUROHERC OSIGURANJE d.d. Sarajevo – Podružnica Mostar i CROATIA OSIGURANJE d.d. Mostar.

Istog dana, sa početkom u 10:15 sati, izvršeno je javno otvaranje ponuda o čemu je sačinjen Zapisnik sa otvaranja ponuda koji je blagovremeno dostavljen ponuđačima koji su dostavili ponude. Komisija je isti dan započela sa pregledom i ocjenom dostavljenih ponuda i utvrdila da su sve četiri pristigle ponude prihvatljive za ugovorni organ.

S obzirom da je pristigao dovoljan broj prihvatljivih ponuda, a prema uslovima iz tenderske dokumentacije, Komisija je u skladu s odredbama Pravilnika o uslovima i načinu korištenja e-aukcije („Službeni glasnik BiH“ br. 80/23) dana 30.10.2024. godine zakazala e-aukciju prema kriteriju najniže cijene. Aukcija je zakazana za dan 04.11. 2024. godine sa početkom u 10:00 sati. Nakon završetka e-aukcije, prema Izvještaju o toku i završetku e-aukcije, nije bilo podnošenja ponuda, pa je prvorangirani ponuđač na konačnoj rang listi EUROHERC OSIGURANJE d.d. Sarajevo – Podružnica Mostar sa konačnom cijenom 2.773,66 KM, drugorangirani ponuđač je SARAJEVO - OSIGURANJE d.d. Sarajevo sa konačnom cijenom ponude od 3.147,90, trećerangirani ponuđač je „OSIGURANJE AURA“ a.d. Banja Luka sa konačnom cijenom ponude 4.659,68 KM i četverorangirani ponuđač je CROATIA OSIGURANJE d.d. Mostar sa konačnom cijenom ponude u iznosu 5.098,28 KM. Na osnovu Konačne rang liste ponuditelja nakon okončane e-aukcije, Komisija je dala preporuku ministru da se ugovor dodijeli prvorangiranom ponuđaču EUROHERC OSIGURANJE d.d. Sarajevo – Podružnica Mostar sa konačnom cijenom od 2.773,66 KM.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno postavljenim uslovima iz Tenderske dokumentacije. U postupku ocjene provedenog postupka, ovlaštena osoba ugovornog organa nije našla razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi Bosne i Hercegovine putem Ugovornog organa u roku od 5 (pet) dana od dana zaprimanja ove odluke. Žalba se podnosi u najmanje tri primjerka.

Dostaviti:

1. Ponuđačima
2. Web stranica ministarstva
3. Sektor za ekonomsko-finansijske, pravne i opće poslove
4. Dosije Komisije
5. a/a

